

國

朝

列

卿

紀

國朝列卿紀卷之一百五十五

鴻臚寺卿叙

夫鴻臚寺者卽秦典客職也漢景帝六年改名大行令漢武帝
大初元年更名大鴻臚掌諸侯歸義蠻夷等國職列九卿唐設
卿一人少卿二人領典客司儀二署宋因之不改國初置侍
儀司爲從五品衙門職專朝儀宣贊等事洪武九年改爲殿庭
禮儀司設使副承奉鳴贊序班十三年承奉革添設司儀九年
更使爲司正副爲左右司副三十年始改鴻臚寺陞正四品領
門定設卿少卿丞主簿司賓署丞司儀署丞鳴贊序班後又設
外夷通事亦隸焉永樂十九年定鼎北京在留都者加南京二

字但南京正卿類用科目出身而在北者多以監生選鳴贊出身累資陞正卿至隆慶元年正卿仍用科目出身者推陞尤爲重其任焉今詳正卿年表於後其行實見於事紀其勲德茂著者表爲列傳

國朝列卿紀卷之一百五十五

國初鴻臚寺卿年表

房

顯

人洪武三十年正月以司正改鴻臚寺卿

楊

砥

山西澤州人洪武甲戌進士革除四年任

樊

敬

山東鄆城人洪武乙丑進士永樂二年任本寺卿三年改廣東左叅政詳刑部

陳

諤

廣東番禺人永樂戊子舉人十四年以吏科都給事中署寺事十五年改署工部

國初鴻臚寺卿行實

房顯字

人任儀禮司司正洪武三十年正月

改儀禮司爲鴻臚寺以司正爲鴻臚寺卿

楊砥字大用山西澤州人洪武甲戌進士華除二年任湖廣布政司左叅議上書請敦親恩罷兵安置遼東四年成祖登極特起鴻臚寺卿乞終制永樂二年起復爲禮部左侍郎詳太僕寺

樊敬字

山東鄆城縣人洪武乙丑進士歷鴻臚寺丞永樂

元年陞鴻臚寺少卿二年陞本寺卿三年改廣東左叅政詳刑

部侍郎

陳諤字克初廣東番禺縣人永樂十四年以吏科都給事中署
寺事十五年改署工部詳順天府尹

國朝列卿紀卷之一百五十五

國初鴻臚寺少卿年表

仲

敬

吏科都給事中三十年陞鴻臚寺少卿

劉繼宗

工科都給事中三十年陞鴻臚寺少卿

樊

敬

見卿永樂元年任

國朝列卿紀卷之一百五十五

鴻臚寺卿年表

李偉

永樂四年任人

楊善

順天大興人生員永樂二十二年任正統間加至右都景泰元年加左都天順元年封伯俱掌寺事

徐永達

河南歸德人洪武中鄉舉洪熙元年由右中允陞任宣德五年陞按察使

趙榮

陝西通渭縣籍生員正統十四年由中書舍人任景泰元年陞工部右侍郎

楊興

福建晉江人監生景泰元年由戶部郎中任七年陞南京戶部右侍郎

楊宣

年任十三年五月勅免人成化

施純

順天東安人進士成化十三年任加主禮部尚書二十一年致仕

李

瓚

山東濮州人進士正德十三年以通政使掌滬

魏

境

直隸合肥人進士正德十五年由左少卿陞任歷加太常寺卿仍掌寺事

鄭

紳

錦衣衛籍直隸涑水人進士嘉靖五年任

王道中

直隸撫寧人正德甲戌進士嘉靖十年任十五年陞大理寺右少卿

陳璫

吳祖乾

人嘉靖十九年由左少卿九年考滿任

靖洪

蕭瀾

李一元

直隸建德人嘉靖丁未進士隆慶元年任

李用敬

山東益都人嘉靖辛丑進士隆慶二年任

李際春

河南杞縣人嘉靖丙辰進士隆慶四年由太僕寺少卿陞鴻臚寺卿五年改太常寺卿

王之垣

山東歷城人嘉靖壬戌進士隆慶五年由太僕寺少卿陞鴻臚寺卿

屠義英

直隸寧國人嘉靖丙辰進士萬曆元年由太僕寺少卿陞任改南太常寺少卿

陳學魯

直隸遵化籍山西陽城人嘉靖壬戌進士萬曆元年以戶部郎中選鴻臚寺少卿署掌寺事五年陞右通政

賈名儒

直隸廣平府雞澤縣人監生

楊宗仲

順天府涿州人監生

鴻臚寺卿行實

李偉

人永樂四年任

楊善字幼清順天府大興縣人生員靖難初以守城功授鴻臚寺序班永樂三年十一月以奏庶吉士章朴收藏方孝孺文集陞鳴贊歷寺丞永樂二十二年九月陞鴻臚寺卿

諭善曰朕初卽位凡吏治賢否民情休戚皆欲聞之而四方之遠無由盡達自今方岳大臣來朝引見朕親問之庶幾以悉下情洪熙元年二月遣善賫勅勞陽武侯薛祿以擒斬韃賊功宣德五年九月上率師巡邊命善率其屬從正統十一年加禮部右侍郎善練習朝章居官恭勤掌寺二十三年雅稱上

貞十四年英廟北狩善時以右都御史從於百死中得一生還及也先入犯善與交趾舊將王通守城殺傷相當虜勢少沮遁去景泰元年虜使求通誦詐不可信善聞議和慨然欲往

上從之人皆危懼善曰上皇在虜食君祿者於心何安此爲臣

者效命之秋遂行至其境也先遣黠慧者偵之先以辭鋒挫其銳暴及見也先應對不窮反覆開論兇虜懾服奉駕南還八

月以功陞左都御史仍掌鴻臚寺事三年易儲加太子太保天

順元年正月奉英宗復辟封興濟伯仍掌寺事踰月改兼禮

部尚書掌部事詳禮部

徐永達字

河南歸德人洪武

鄉舉任教諭永樂十八

年陞翰林編修二十二年十月陞右中允洪熙元年七月宣
宗登極以春官舊寮擢鴻臚寺卿宣德二年十一月命永達爲
副使同侍郎李琦等齎詔撫諭安南五年八月陞湖廣按察使
趙榮字德陝西通渭縣籍歷文淵閣中書舍人正統己巳朝
議使虜衆憚行榮請往內閣高穀嘉之陞鴻臚寺卿同侍郎王
復往還仍直文淵閣詳工部尚書

楊輿字德福建泉州府晉江縣人附籍京衛正統中由監生
授郎王府伴讀十二年陞處州府知事十四年景泰登極以
潛郎恩進戶部郎中元年進鴻臚寺卿七年陞南京戶部右侍
郎天順元年致仕

施純字

順天府東安人尚書禮子成化丙戌進士

任練習朝儀十六年加禮部尚書掌鴻臚寺事十七年二十年
充讀卷官二十一年致仕

李瓚字

山東濮州人弘治丙辰進士歷巡撫保定右副

御史正德十三年陞通政使掌鴻臚寺事十四年以左副都御史經略居庸山海邊關詳總督倉儲戶部尚書

魏境字

直隸合肥人羽林衛籍正德戊辰進士六年任鴻

臚寺左少卿十五年九月考滿陞本卿初通事缺人見在通事假訪保名橫行求索視利輕重爲出入嘉靖元年境疏其弊凡選補各國通事除丁憂緣事俱不作缺其見缺十人以上及一

國全缺者在外行各邊鎮巡每缺精選一人送部在京不必通行
。行通事訪保禮部劄鴻臚寺召選真正籍貫子弟取其印信保
結粘連送部覆審相同再試每缺精選一人奏送該寺分派各
國年深老成通事教習如本國無人許其自從師受業或鄰邦
通曉者教之一年之後同邊方訪保到部之人通行試以夷語
上者收補次者候缺下者黜退不得稱守候多年奏過濫收選
時勘結人員不得以過犯頂冒之人竄入著爲令禮部覆議
詔從之歷太常寺卿掌鴻臚寺事五年七月時詹事張璉請告省
墓 上命璉諭旨留之以爲兵部侍郎

鄭紳錦衣衛籍直隸涑水人進士嘉靖五年任歷陞工部尚書

掌通政司事

王道中字

直隸永平府撫寧人正德甲戌進士嘉靖十

年任鴻臚寺卿十五年改大理寺右少卿十六年陞順天府尹

陳璋字

人

嘉靖十六

年任

吳祖乾字

人

嘉靖十

年任鴻臚寺左少卿十九年九年考滿陞本寺卿

靖洪字

蕭瀾字

李一元字調卿直隸建德人嘉靖丁未進士任江西左叅政四十五年陞太僕寺少卿隆慶元年陞鴻臚寺卿遷太僕寺卿二年陞通政使

李用敬字仲學山東益都人嘉靖辛丑進士任戶科都給事中隆慶元年陞太僕寺少卿二年陞鴻臚寺卿

李際春字應元河南杞縣人嘉靖丙辰進士授行人四十二年以使琉球陞尚寶司丞乙丑陞本司少卿九月陞尚寶司卿丙寅陞南京太僕寺少卿隆慶戊辰改太僕寺四年正月陞鴻臚寺卿五年改太常寺卿詳通政使

王之垣字汝式山東新城人嘉靖壬戌進士隆慶五年由太僕寺少卿任萬曆元年陞大理寺右少卿

國朝列卿紀卷之二百五十六終

國朝列卿紀卷之一百五十七

南京鴻臚寺卿年表

冉秀

景泰三年任

陳學

浙江金華人正統初舉楷書歷南京太常寺少卿天順三年改任八年致仕

袁愷

河南魯山人進士成化四年主巡撫遼東降任詳南京總督糧儲副都

李鎔

成化十年任

張

達

江西泰和人弘治元年任詳工部右侍郎

陳

壽

江西新淦人遼東寧遠衛籍弘治六年任詳南京刑部尚書

王

璟

山東沂州人弘治十三年任詳都察院左都掌院事

孫

繩

順天武清人成化中歲貢弘治十四年任十七年致仕

丁

鳳

直隸蠡縣人進士弘治十八年任詳兵部右侍郎

趙履祥

直隸涇縣人弘治庚戌進士歷南京太常寺少卿正德五年任本年降四川僉事

夏昇

廣東南海人弘治庚戌進士正德五年任八年閑住

王守仁

浙江餘姚人正德九年任詳南京兵部尚書

毛珵

直隸吳縣人正德十一年任詳鄖陽撫治右副都

陸

淞

浙江平湖人正德十三年任詳南京光祿寺卿

劉

乾

直隸江陰人嘉靖二年
任詳南京光祿寺卿

鄭

裕

四川內江人弘治壬戌進士嘉靖五年
由南京太僕寺少卿陞任七年閑住

張

楠

直隸來安人正德戊辰進士
嘉靖八年任十二年閑住

周文興

浙江江山人正德戊辰進士嘉靖
十二年由南京太僕寺少卿陞任

歐陽德

江西泰和人嘉靖癸未進士十
九年任本年丁憂詳禮部尚書

胡森

浙江湯溪人正德辛巳進士
嘉靖十九年任二十年閑住

項錫

浙江嘉善人嘉靖二十一
年任詳南京光祿寺卿

歐陽德

見前嘉靖二
十五年起任

汪宗元

湖廣崇陽人嘉靖二
十六年任詳通政使

陸

垓

浙江嘉善人嘉靖丙戌進士二
十七年任詳河南巡撫僉都

鄭曉

浙江海鹽人嘉靖二十九年任三十一年陞南光祿寺卿詳刑部尚書

楊大章

浙江餘姚人嘉靖癸未進士三十二年由湖廣右參政陞任詳刑部侍郎

王楠

順天三河人嘉靖戊戌進士三十四年由南京太僕寺少卿任三十五年閑住

歐陽衢

江西泰和人嘉靖丙戌探花三十五年由南京尚寶司卿任三十六年考察年老去任

孫植

浙江平湖人嘉靖乙未進士三十六年由南京太僕寺少卿陞任見南京刑部尚書

秦梁

直隸無錫人嘉靖丁未進士三十九年由南京太僕寺少卿任見南京右通政

徐綱

湖廣興國州人嘉靖甲辰進士四十年由應天府丞陞任見工部侍郎

萬恭

江西南昌人嘉靖甲辰進士四十一年由南京太僕寺少卿陞任見兵部侍郎

盛汝謙

直隸桐城人嘉靖四十二年任見南京戶部侍郎

袁洪愈

直隸吳縣人嘉靖丁未進士十四年任見南京太常寺卿

陳廷基 福建同安人嘉靖庚戌進士隆慶元年任調四川按察司副使

李邦義 廣東連州人嘉靖丙辰進士隆慶元年任丁憂萬曆二年補太常寺少卿

史朝賓 福建晉江人嘉靖丁未進士隆慶二年任

孫 鑑 浙江餘姚人嘉靖丙辰進士隆慶六年任萬曆三年陞太常寺少卿提督四夷館

何以尚 廣西興業人鄉舉萬曆元年由南京大理寺丞陞任

張佳胤 湖廣孝感人嘉靖庚戌進士萬曆四年任

王 樵 直隸金壇人嘉靖丁未進士萬曆四年任

張 煥 山東益都人嘉靖乙丑進士萬曆六年由南尚寶司卿任九年四月陞巡撫南贛右僉都

周弘祖

湖廣麻城人嘉靖己未進士萬曆九年由南尚寶司卿任丁憂

方九功

河南南陽人嘉靖乙丑進士萬曆九年十一月由四夷館少卿奏病改任十一年陞南京右通政

徐元春

直隸華亭人萬曆十一年十一月由光祿寺少卿任十四年七月改太僕寺少卿

王鑑

南直無錫人嘉靖乙丑進士萬曆十四年由尚寶司卿任十七年乞休加太僕寺卿

南京鴻臚寺卿行實

冉秀字

人

景泰三年任

陳學字

浙江金華縣人正統初舉楷書任南京太常寺少

卿天順三年改南京鴻臚寺卿八年致仕

袁愷字

河南魯山縣人景泰甲戌進士成化四年以巡撫

遼東右僉都御史調任十年改光祿寺卿詳南京總儲

李鎔字

人

成化十

年任十七年四月

南京科道因災異論鎔與侍郎李本等不職上留之

張達字時達江西泰和人天順甲申進士歷應天府丞弘治元年改南京鴻臚寺卿十年陞南京光祿寺卿詳工部侍郎

陳壽二本仁江西新淦縣人遼東寧遠衛籍歷南京光祿寺少卿弘治六年任十三年陞巡撫延綏右僉都御史詳南京刑部尚書

王璟字廷和山東沂州人歷光祿寺少卿弘治十三年任十四年陞右僉都御史清理兩淮鹽法詳都察院左都御史

孫繩字順天府武清縣人成化中歲貢弘治十四年任十六年致仕

丁鳳字直隸蠡縣人成化丁未進士弘治十八年任南京鴻臚寺卿正德五年陞應天府尹詳兵部侍郎

趙履祥字直隸寧國府涇縣人弘治庚戌進士正德四年

任南京太常寺少卿五年陞南京鴻臚寺卿本年降四川按察司僉事

夏昇字廣東廣州府南海縣人弘治庚戌進士正德五年任八年閑住

王守仁字伯安浙江餘姚縣人弘治己未進士正德八年任南京太僕寺少卿九年陞南京鴻臚寺卿始專以良知之旨訓學者聞迎佛骨具疏欲納約自牖不果上十一年陞巡撫南贛汀漳左僉都御史詳南京兵部尚書

毛珵字直隸吳縣人正德九年任山東左叅議致仕十一年起南京鴻臚寺卿十三年陞南京太僕寺卿詳鄖陽巡撫

陸淞字

浙江平湖縣人任光祿寺少卿正德十三年陞南

京鴻臚寺卿詳南京光祿寺

劉乾字

直隸江陰縣人弘治己未進士正德十六年任尚

寶司卿嘉靖二年陞南京鴻臚寺卿詳南京光祿寺

鄭裕字

四川成都府內江縣人弘治壬戌進士嘉靖三年

任南尚寶司卿四年陞南京太僕寺少卿五年任七年閑住

張楠字

直隸滁州來安縣人正德戊辰進士十年任光

祿寺丞十四年陞尚寶司少卿嘉靖六年陞太僕寺少卿八年

陞南京鴻臚寺卿十二年閑住

周文興字

浙江衢州府江山縣人正德戊辰進士嘉靖八

年任光祿寺少卿十二年陞南京太僕寺少卿本年改南京鴻臚寺卿

歐陽德字崇一江西泰和縣人嘉靖癸未進士任六安知州六年擢刑部員外郎改編修十一年遷南尚寶司卿十七年陞太僕寺少卿尋改南京鴻臚寺卿丁憂二十一年用薦復爲南京鴻臚寺卿二十六年陞南太常寺卿本年改太常寺掌國子監事詳禮部尚書

胡森字秀夫浙江湯溪縣人正德辛巳進士嘉靖元年除刑部司主事歷員外郎五年任郎中六年調吏部稽勲司郎中七年改考功八年轉文選九年陞南京太常寺少卿十一年改

提督四夷館十三年回籍十九年起南京鴻臚寺卿

項錫字秉仁浙江嘉興縣人嘉靖癸未進士十七年任尚寶司少卿二十一年陞南京鴻臚寺卿二十五年陞南京光祿寺卿

國朝列卿紀卷之一百五十七終

國朝列卿紀卷之一百五十八

國初國子監敘

夫國子者羣國之貴遊子弟而學焉者也自師氏所敎保氏所養備載於周禮其任重非一日矣至漢置博士歷東京又取聰明有威重者一人爲祭酒蓋古者賓得主人饌則老者一人舉酒以祭地故以祭酒爲名由漢而下晉爲國子學宋爲聰明觀齊爲祭酒省北齊爲國子寺並置祭酒屬太常隋煬帝改爲國子監於祭酒外取樂正司業之義增司業一人唐宋並因之號爲儒重之官非其人不任我太祖削平元亂於乙巳歲置國子學以元故集慶路儒學爲之設博士助教學正學錄典樂典

書典膳等官吳元年定國子學官制添設祭酒正四品司業正五品博士正七品典簿正八品助教從八品學正正九品學錄從九品典膳省註十年置中都國子學十四年更祭酒一人從四品司業二人六品監丞二人正八品博士五人助教十五人典簿一人俱從八品學正十人正九品學錄七人典膳一人俱從九品掌饌二人雜職十五年相地於都城之北改國子學爲國子監頒教條及禁例於天下二十六年革中都國子監三十年壽州學訓導劉亨疏國子祭酒品位不當在太僕寺卿下上頗納其說後惟陞監丞爲堂上官成祖卽位詔復洪武官制監丞仍舊屬官永樂元年設北京國子監列爲二監至十九年

定鼎北京於留都加南京二字宣德九年省司業至弘治十五年復置然二監雖並列而治法本原實始於南則夫敦道德以爲之法寧不繹 聖祖所以立學之初意哉今詳各官宦履於後其行實見於事紀其勲德茂著者表爲列傳

國朝列卿紀卷之一百五十八

勅使國子監祭酒年表

李文忠

直隸盱眙人

國初國子監祭酒年表

許存仁

浙江金華人國初徵文學吳元年任洪武元年被劾謫韶州安置

梁

貞

浙江新昌人故元監生洪武元年以兩浙鹽運使拜太子賓客兼國子監祭酒三年致仕

魏

觀

湖廣蒲圻人國初以文學舉洪武三年任四年坐祝禮不以時奏謫知龍南縣後歷蘇州府七年被誣獲罪

樂韶鳳

直隸全椒人洪武十二年由兵部尚書致仕起任十三年致仕

李鴻漸

直隸江都人名敬洪武十四年由刑部尚書致仕起任十五年坐事得罪

吳

頤

卽伯昂河南歸德人洪武初舉明經十五年任十六年坐罪免後以疾卒於家

宋

訥

直隸涇縣人洪武中舉文學歷文淵閣
大學士十六年任二十三年卒於官

龔

敷

江西鉛山人洪武中舉明經歷太子賓客
四輔官二十三年任二十四年坐罪免

胡季安

江西南昌人洪武初舉明經儒士
二十五年任二十九年坐罪免

吳啓

人洪武二十
九年以學正署祭酒事

楊淞

江西建昌人洪武初以明經舉
二十九年任三十三年坐罪免

張顯宗

福建寧化人洪武辛未進士三十一年任革除四年陞工
部右侍郎本年復補祭酒坐罪免後復起終交趾布使

徐旭

江西樂平人洪武乙丑進士永樂元年
任二年被劾降翰林院修撰後卒於官

胡儼

江西南昌人永樂二年任八年以祭酒兼侍讀掌翰林
院事洪熙元年加太子賓客致仕正統八年卒於家

勅使國子監行實

李文忠字思本世爲泗州盱眙人父貞尚 皇姊曹國長公主
生文忠十二歲而公主薨時天下亂文忠與 上相失甲午冬
上駐兵滁陽文忠父子來見 上嘉甚養以爲子賜姓朱氏初令
就學聰悟輒能記憶 上曰人固不可不知書然今方事武且
當令習弓馬丁酉年十九以舍人領軍往援池州陳友諒兵寇
城文忠奮擊敗之戊戌正月進攻青陽石埭太平旌德皆下二
月敗元院判阿魯灰於淳安縣之萬年街遂破苗軍於於潛昌
化獲其人口資貨甚富文忠恐士卒貪貨賄莫有鬪志因悉焚
之曰此何足惜能努力破敵何患不富貴乎進取淳安夜襲破

僞洪元帥營降其衆千餘三月會同僉鄧愈院判胡大海兵取嚴州克之立德興翼元帥府授帳前總制親軍都指揮使司左副指揮兼領元帥府事守嚴州時嚴州新附城守未備而苗帥楊完者兵水陸奄至文忠出奇大敗其衆復以所斬俘馘載巨筏中順流而下餘衆見之皆遁五月壬子楊完者復率衆進屯嚴州烏龍嶺欲攻建德文忠復從鄧愈擊走之六月癸酉文忠以浦江與建安比境乃先率兵由間道以取之縣有鄭氏自宋建炎間聚族同居元至大間旌表爲孝義之門其家避兵山谷中文忠使人訪其所在悉令還家八月己丑苗軍元帥泰不花等以同僉員成書來納款且言其部帥李福等士卒家屬俱在

桐廬皆願效順文忠以 上命慰諭之九月戊戌員成遂率元帥劉濟劉震黃寶蔣英等三萬餘人來降己亥二月張士誠遣將攻嚴州文忠出兵夾擊大破之殺獲甚衆四月士誠兵復至大浪灘文忠兵出擊復破之又遣元帥何世明攻分水縣斬首五百餘其衆潰走士誠憤其敗十二月復遣其將陸元帥花將軍據分水縣夏元帥之新城三溪以遏我師文忠仍遣世明率精兵千餘擊之斬陸元帥花將軍等千餘人焚其營自是士誠兵不復窺嚴州庚子九月陞文忠同僉行樞密院事辛丑 上命城嚴州越三月而成六月詔大海援信州生擒陳友諒平章率明道宣慰王漢二是時文忠奉 上命署金華分省事大海

因械明道等於文忠文忠釋其囚而禮之俾爲書招諭建昌守將王溥溥漢二之兄家以其衆來壬寅二月金華降將蔣英劉震等叛殺胡大海及郎中王愷等據其城文忠聞之卽遣掾史郭彥仁元帥何世明等往討之兵至蘭谿英等懼夜半驅掠城中女子開門南走文忠因率元帥袁洪等所部兵入金華守之分遣左右遍歷其地撫輯人民仍遣人送大海愷喪還建康處州李佑之聞蔣英殺胡大海亦殺院判耿再成元帥朱文剛等文忠隨遣王祐何世明往屯縉雲以圖之三月陞文忠爲浙江等行中書省左丞總制嚴衛信處諸全軍馬辛亥張士誠弟士信乘蔣英之亂率兵萬餘圍諸全二十九日爲謝再興所敗

復益兵攻城文忠遣胡德濟往援以計敗之癸卯九月諸全叛將謝再興以張士誠兵犯東陽文忠率部將敗之義烏乙巳二月丙午張士誠憤義烏之敗復遣李伯昇將兵二十萬挾叛將謝再興寇新城胡德濟告急於文忠文忠以諸全重地而敵勢之來意在必克將自往救之乃先命指揮張斌元帥張俊領兵出浦江爲聲援士誠又以兵自桐廬適釣臺石犯嚴州文忠命以舟師扼於江以何世明袁洪柴虎三帥守城而卒指揮朱亮祖以下行次浦江御枚而進且檄處州兵來會至龍潭距寇不二十里有白氣覆我軍旣而候卒告寇王文忠馳馬視去營遠而久元帥嚴德力止曰三軍之命懸於主將一有不戒衆何恃

馬文忠乃還會所檄處州兵亦至遂與敵戰大敗之追奔十餘里死者數萬獲其僞同僉韓謙理問勝忠元帥遇肖壽山等六百餘人軍士三千馬八百糧草輜重鎧伏無筭李伯昇及僞五太子遁去文忠入新城諸將皆喜相慶賀上聞新城捷以御衣名馬賜文忠賞賞將士有差丙午九月上旣命相國徐達平章常遇春總兵攻蘇州命文忠以兵取杭州文忠率指揮朱亮祖耿天壁攻桐廬僞元帥戴某降文忠復遣指揮袁洪等攻富陽克之擒僞同僉李天祿兵至餘杭遣孫虎等領兵扼其援而自督兵圍其城十一月守將謝五與弟姪五人以餘杭降文忠以其兵攻杭州僞平章潘原明亦出降并執蔣英劉震以獻

文忠以上命慰諭之宿諸軍於城上下令曰敢有入民居者
斬有一卒取民釜以爨卽磔於市以徇城中民皆按堵得兵二
萬糧二十一萬馬六百匹始入城原明以女樂迎於道文忠叱
去之召元平章丑得長壽等諭之曰全城歸附者張氏平章潘
原明也汝等皆元之臣子苟知倫理大義則當效死報國或知
天命之有在則同納款以效順今原明旣已歸附汝等不伏節
死義尚何面目來見我乎令武士曳出之與蔣英俱繫送金陵
并遣潘原明以下官屬隨行十二月改浙東行省爲浙江等處
行中書省陞文忠爲平章政事復姓李氏吳元年二月 上以
詔授文忠曰朕舉義兵自淮右至於江左經營疆宇賴勲臣同

心一力成茲大業若國戚之策功者則罕有焉爾李文忠吾姊之所生也自幼撫育視同已子教以文習以弓馬年旣弱冠仍俾僉院於金華開省於嚴陵爾能憑烏龍之險破苗獠之帥領軍援諸暨之圍寇兵十餘萬當爾之鋒者驅以擣臨安克其奇偉浙西之平實由此勝比者長驅以擣臨安克其堅城民安堵如常時不知有更革也用是命爾文忠爲行省平章鎮茲浙土於戲惟爾文忠以分則君臣也以親則甥舅也以恩則父子也尤當守章憲修政務撫民馭軍圖盡其道况浙地其俗奢爾示儉其習澆爾率厚其或偏僻爾導以正惟慎可以奉職惟勤可以處事惟公可以律身其明聽朕命可榮祿大夫浙江等處行

中書省平章政事初 上得金陵以軍民不給知府王熙等請
增田租民頗病之文忠以其事聞請減其額 上從之洪武元
年五月福建陳友定餘黨金子隆等糾合散卒寇將樂延平等
處閏七月 上命文忠總兵擒獲之閩地悉平二年春以文忠
爲偏將軍副常遇春征迤北由遵化度鹿兒嶺敗元將江文清
軍於錦川次全寧元將也速迎戰又敗之進攻大興州文忠又
設伏破其軍遂進克上都元主北走俘其宗王慶王等常遇春
薨於軍徐詔文忠伐領其衆援慶陽師至太原而大將軍徐達
已討平慶陽時大同受敵甚急文忠乃由代縣出鴈門次馬邑
破其邏騎數千進次白楊門又擒黠虜四太王遂大破虜衆擒

其將脫列伯大同圍解進踰莽哥倉不見虜而還三年正月授
征虜左副將軍總兵北伐二月師出野狐嶺至興和降其守將
進師察罕腦兒擒其平章竹貞五月敗元太尉蠻子平章沙不
丁朵兒只八刺等於白海子之駱駝山進至開平聞元主在應
昌卽提兵晝夜兼程襲之遂進克應昌時元主已殂太子愛
猷識理達臘單騎遁去獲其嫡孫買的里八刺及太子妃陳答
里宮人諸王省院達官暨宋元玉璽金寶一十五宣和殿玉圖
書一玉冊二鎮圭大圭玉斧玉帶各一送京師文忠復追愛猷
識理達臘至北慶州失其所在師過興州遇元將唐國公阿魯
清等率部屬軍民來降至紅螺山又降其部將等

六千餘人十月詔文忠班師還至龍江車駕出江上嘉勞甚
至明日文忠復上表稱賀上諭功行封文忠北逐元太子獲
元皇孫妃嬪重寶功最大賜諡曰各爾榮祿大夫浙江等處行
中書省平章政事李文忠朕思人生天地間恩之深者莫過於
骨肉此天性自然不待教而能也爾文忠爲吾姊氏所生朕創
業以來爾自幼提兵會樞金華開省嚴陵剿苗獠於烏龍却援
兵於諸暨所至撫馭有方人懷爾惠連年戰勝不聞爲敵所侮
此者再入甌閩削平餘寇進征薊北屢奏捷音乃帥師應昌得
之爾文忠暨寶玉以歸威振沙漠功蓋著朕於爾親則甥舅
較前後之功當與勲臣同列今天下已定論功行賞是用授爾

開國輔運推誠宣力武臣特進榮祿大夫右柱國大都督府曹
國公同知軍國事食祿三千石使爾子孫世世承襲以報爾功
於戲爾瞻於我如母存焉恪守忠貞服勞帝室永延世祿與國
同休復錫券及文綺帛六十匹四年七月西蜀平詔文忠按行
四川開拓新城經畫庶務乃調濠梁等衛官軍於保寧諸處各
立千戶所以鎮之五年正月 上賜彤弓百交趾弓五十 上
嘗御武樓與諸將論邊事魏國公徐達因言王保保遁在和林
宜因時乘其敗而擊之 上乃詔達與文忠及馮勝率兵十萬
分三道并進文忠爲征虜左副將軍總兵由東路出居庸文忠
率都督同知何文輝欲取和林兵至口溫虜聞之棄營遁走獲

其輜重雜畜無筭進至哈刺莽來虜部落皆驚潰文忠諭將士
曰兵貴神速千里襲人難以重負留部將韓政駐輜重於廬胸
河命士卒人持二十日糧兼程而進至土刺河虜將蠻子哈刺
章知之悉騎度河結陣以待文忠督兵與戰數合虜稍却追至
阿魯渾河虜兵益衆宣寧侯曹良臣等戰歿文忠馬亦中流矢
下馬持短兵接戰從者劉義直前突擊以身蔽文忠指揮李榮
以所乘馬授文忠自奪虜騎乘之文忠勒馬橫槊麾衆更進士
卒殊死戰虜衆遂敗得馬畜萬計追至稱海虜兵復集文忠整
兵據險縱所獲馬畜於野示以閒暇居三日虜疑有伏兵不敢
逼乃遁去文忠引兵還夜行失故道糧且盡至桑哥兒麻士卒

無水渴甚有死者文忠默禱於天忽所乘馬跑地而鳴掘之果有泉湧出人馬賴以濟六年正月詔文忠與大將軍徐達往山西北平訓兵防守十月上詔達等還京令文忠率諸將士養銳山西以防虜寇七年三月文忠駐兵代縣遣將四出三不刺擒其平章陳安禮木屑飛至順寧陽門斬其將真珠驢至白登俘其國公鄧宇羅帖木兒至朔州擒其大尉伯顏不花七月攻大寧高州大石崖克之斬其宗王朶朶失里擒承旨百家奴復遣指揮唐其追至蘊帽山遇故元魯王管於山下以兵圍之斬魯王等獲其妃蒙哥顏并金印一玉圖書一八月文忠師進豐州分道追擊胡兵擒其故官十二人虜衆百二十餘人馬駝牛

羊甚衆又聞胡兵駐伯干兒之地遣兵追之不及而還十年秋
詔致祭泰山十二年洮州十八族番酋三副使汪舒朵兒等叛
命征西將軍沐英討之二月復制諭文忠往河州岷州臨洮鞏
昌梅州等巡視城池各衛軍馬悉聽節制五月文忠等兵次洮
州故城會番酋三副使何江順朵羅只棄城遁遂督將校領兵
追之獲積石州叛逃土官阿里七站土官失納等斬之遂於東
籠山南川城置洮州衛留官軍守之六月勅文忠移師駐鞏昌
十三年詔還叅贊軍國事十六年正月詔文忠兼蒞國子監事
十二月有疾是年春疾轉亟 詔皇太子臨視 上復親幸其
弟撫慰良久至是薨年四十有六文忠性沉厚持身誠恪有謀

慮臨陣常身先士卒至遇大敵膽氣益壯每戰勝必以功推下
及釋兵家居恂恂若儒者其在 上前論事盡誠無隱 上多
嘉納之好儒重士器量閎雅在金華時管業師儀范祖幹講學
爲詩於音樂華靡事泊如也薨之日 上痛悼不已輟朝三日
親爲文遣使致祭追封岐陽王謚武靖賜葬鍾山之陰誥曰自
古帝王創業必有親戚子弟委心孝順以助興隆之運故生有
爵祿之榮沒有褒贈之寵斯古今之彝典也茲爾開國輔運推
誠宣力武臣特進榮祿大夫右柱國大都督府左都督曹國公
同知軍國事李文忠乃朕姊氏所生當朕起兵之時爾年尚幼
能立志立功佐朕開拓疆宇所向克捷威振遐方民懷其惠及

天下寧謚四夷來庭厥功居多而小心勤慎始終如一其於甥
舅之親君臣之義能兼之矣正期共享太平夫何膺疾長逝朕
甚悼焉生封公死封王已著令典特封爲岐陽王謚武靖以慰
爾於冥冥嗚呼爾能篤親親之義成開國之勲名播華夷福及
後裔可謂死而不亡者矣仍進封其上三世皆王爵妣皆王夫
人子三人皆上所賜名長景隆襲爵曹國公次增枝初授勲
尉繼擢前軍左都督次方英授中都正留守

國初國子監祭酒行實

許存仁名元以字行浙之金華太祖謙學於金履祥得朱子傳
學者稱白雲先生元末高皇幸金華訪求其後召存仁未至

而乘輿已還乃驛赴京師一見與語大說曰何相見之晚也
拜京學教授仍命入侍 皇太子及諸王歲乙巳九月丙辰朔
置國子學以故元集慶路儒學爲之設博士助教學正學錄典
書典膳等官以存仁爲博士丙午三月戊戌 上與存仁論用
人 上曰孟子言五百年必有王者興其間必有名世者古之
帝王君聖臣賢可以當之漢唐以下其君臣何如存仁對曰
主上聖智神武天生不世之資以平禍亂今羣賢畢出佐隆大業
稽之於曆自宋太祖至今當五百年之數定天下於一斯其時
矣五月 上發濠梁省陵墓命從行八月壬子 命存仁進講
經史存仁講尚書洪範至休徵咎徵之應 上曰天道微妙難

知人事感通易見天人一理必以類應今宜體此下修人事上合天道然豈特爲人上者當勉哉爲人臣者亦當修省以輔其君上下交脩格天之本也吳元年四月上至白虎殿見諸子有讀孟子者問曰孟子何說爲要對曰勸國君以王道施仁政省刑薄賦乃其要也上曰孟子專言仁義使當時有一賢君能用其言天下豈不定於一乎冬十月丙子定國子學官制祭酒正四品司業正五品博士正七品典簿正八品助教從八品學錄從九品典膳省註陞存仁爲祭酒奉燕間備顧問啓沃論思最見禮遇出入兩宮且垂十年自稽古禮文之事至於人材進退時政弛張無不預議及修舉廢墜更規設法以教國子

國朝列傳卷之三
條例數十事皆見施行會存仁嘗以學官什器用諸私室言官
以移用官物坐之章人上覽之笑而已適浙江僉事程孔昭
劾奏存仁駐杭娶妾飾牀以象牙非師臣體乃詔勿治安置
韶州既至韶卽張文獻公祠以居好事者繪爲南華謫居圖後
遇赦還卒

梁貞字叔亨浙江紹興府新昌縣人元至正中爲國子監生端
慤寡言時之碩儒多愛之由國子伴讀授太平路儒學教授

上之克太平也貞與諸儒迎見所言輒援詩書有根據上說之
命爲江南行省都事遷湖廣按察僉事兩浙都轉鹽運使拜太
子賓客日侍太子讀書大本堂洪武元年六月命兼

監事倣周制以六德六藝從容訓迪務底於成有異才出類者
卽奏聞擢用之二年春正月 詔給國子生冬夏衣初國學旣
建諸博士皆就職胄子在內府者令布衣高啓謝徽教之至是
諸生方序立右順門內貞傳 旨下曰勅諸生出受業大學遂
皆趨出就班自是歲賜衣以爲常三年九月坐事放歸田里後
卒於家

魏觀字杞山湖廣武昌府蒲圻人父雲瑞隱德弗耀觀讀書蒲
首山中勤苦弗輟性喜吟咏觸物感興陶寫自如乃構亭曰梅
初以寄志焉元呂忠肅公讀其詩嘆賞薦於朝辭弗就國初被
徵與青田劉基金華宋濂諸儒同謁 上與語大奇之授平江

州學正遷國子助教浙江提刑僉事吳元年改兩淮都轉運使
入爲起居注一日同待制王禕侍上問曰漢高祖唐太宗孰
優觀曰太宗雖才兼文武於善未免矯揉高祖豁達大度規模
弘遠以茲觀之高祖爲優上曰高祖之度人皆知之然其記
兄嫂之怨封其子爲侯侯怨豐之叛不封雍齒不肯以豐爲
湯沐邑度亦未弘矣太宗規模雖不及高祖然其能駕馭羣臣
各爲已用大業已定卒能保全功臣此則太宗爲優也洪武初
建大本堂命觀侍太子說書及授秦晉諸王經觀有詩記
之詩曰翠葆歲粧龍鳳旗東華遙望立多時都堂啓事貂蟬集
率衛輪班虎豹馳月繞珠簾陞講席花迎金輅肅朝儀六王恹

炳前星後珠緯聯輝上玉墀二年十月甲戌降甘露於乾清宮
林 上問災祥觀曰帝王恩及於物順於人則甘露降 陛下
誕寬民賦衆庶懽豫底於清寧神應之臻職此故也十一月冬
暖如春 上召偕危素詹同吳琳宋濂遊觀內苑錫燕紫閣御
製序文賜之曰卿等各賦一詩以紀今日之樂觀奏詩云深冬
晴煖動逾旬內苑遊觀詔侍臣五色慶雲開鳳尾九重賜以繞
龍鱗和鸞喜奉彤車御式燕慚叨紫閣宸淑氣已從天上轉人
間無地不陽春 上覽之大喜三年正月轉太常卿 賜制曰
太常之職掌郊廟社稷山川羣神之祀繫國重矣爾觀學行方
正事朕有年屢持憲節振揚風紀及領鹽運勞績茂彰頃居輪

院日紀言動朝夕之間屢進讜論尤簡默心茲用長於太常益
恭乃職七月 命觀改定太廟祝文稱孝子皇帝臣凡遣 太
子行禮稱長子某著爲令是月陟侍講學士十二月辛酉編集
大明志成以觀爲嘉議大夫國子祭酒宋濂爲司業四年遷試
進士觀與博士孫吾與修撰王僕爲讀卷官乃得吳伯宗等一
百二十人時開科之始得人最盛而伯宗卒爲名臣人以此多
觀之識九月坐考祀孔子禮不以時奏請知龍南縣濂知安遠
縣行未至任卽召還以爲禮部主事 上賜燕奉天門喜曰前
日逐卿去今日與卿飲何其樂哉仍 命各賦一詩五年三月
上念姑蘇爲京輔重地經張士誠之亂荼毒罔有寧宇延臣

觀有治才乃出知蘇州府既蒞事懲陳寧奇政鋤暴樹良而且
肅綱紀敬老恤民大建學舍闢宣聖廟庭舉鄉飲酒禮聘羣賢
士周南老王行徐用誠與教授貢頴之定儀節高啓王彝張羽
闡文學郡多耆耄崑山周壽誼年百有十歲吳縣楊茂年九十
三林文友年九十二皆延至之禮成彬彬可觀壽誼還躬餞諸
郊再拜送之觀者如堵時戎事倥匆百物彫耗禮文衰落乃能
力挽躬行風教勃興封部皞然課績爲天下最上嘉之陟爲
四川行省叅知政事蘇父老上疏願留仍命觀還郡七年觀以
舊治制爲士減竊據且郡多水患乃修府浚錦帆涇以壯士觀
以資民利御史張度誣其與旣滅之基遂與高啓俱獲罪上

悔之命所在致祭 皇太子諸王哀賻有加乃歸瘞於蒲圻燈
窩山

野記云太祖平吳後慮猶有餘孽城守難其人與 孝慈議因
言惟魏觀可守已致仕及同起事有蔡本忠勇可武衛今在散
地 后勸贊用之 上卽命召二臣既至引入後宮便殿賜坐
二臣叩頭謝且請 上睿旨所在 上曰朕新得蘇州恐餘孽
包毒朝夕在心今思其人惟卿觀公忠疆幹可爲朕一守顧本
言爾我好弟兄託得爾過爾指揮其皆毋辭二臣又拜領 宸
旨將辭出 上曰且住皇后要見爾少頃 后出宮人携酒果
以從 上手酌以賜二臣受飲拜謝而出

又云魏守欲復府治兼濬城中河御史張度劾公有興滅王之
基開敗國之河之語蓋以舊治先爲僞周所處而卧龍街西游
川卽舊所謂錦帆涇故也 上大怒置公極典高太史啓以作
新府上梁文與王尋皆與其難高被截爲八段

詞林記云杞山予里人也予自髫髻訪其廬弔其墓未嘗不泫
然悲焉及誦其所爲蒲山牧唱集思見其人而弗可得也旣而
讀楊符卿序曰先生之心廣大而高明先生之才篤實而端重
其學博其詞贍其所履任事有成績事至不擇利害而爲之有
古大臣君子之風黔國不磷亦曰貌偉而修氣完而優聳衡廬
之神秀瑩江漢之清秋其爲德也雖畊而隱其爲名也匪釣而

求與宋景濂碧崖亭辭蘇伯衡梅初亭記相符合也

樂韶鳳字舜儀一字鳴瑞直隸滁州全椒縣人元末兵起有經世之志乙未年謁太祖於軍門與語奇之是秋扈蹕渡江參贊機事從下金陵丁酉年授江南行省管勾洪武三年授起居注四年遷給事中尋進中書左司員外郎本年陞兵部侍郎六年陞本部尚書正月戊午上念天下既定恐中外將卒習於安逸弛武藝命同省臺督府定議教練軍士法凡騎士必善馳射及用鎗刀步兵必善弓弩及鎗刀凡射十二箭內六箭遠可到近可中者爲中式并定賞罰各有差本年六月改翰林侍講學士與承旨詹同定祀孔子樂章迎神奏咸和之曲奠帛奏寧

和初獻奏安和亞獻終獻奏景和徹饌奏咸和送神復奏咸和之曲七月製中都城隍神主太祖親爲文遣韶鳳奉安九月編集大明日曆命韶鳳爲催纂官又命擇唐宋名儒表箋可爲式者頒行天下七年九月上以祭祀選用樂舞前導

命翰林儒臣撰樂章以致敬慎鑒戒之意諭韶鳳等曰古人詩

歌詞曲皆寓諷諫之意後世樂章惟聞頌美無復古意矣嘗聞諷諫則使人惕然有警若頌美之辭使人聞則自警之意怠而自恃之心生蓋自恃者日驕自警者日強朕意如此卿等其撰述毋有所避至是上所撰神降祥神貺惠并酣酒色荒禽荒諸曲凡三十九章曰回鑾樂其辭皆存規諫其舞分爲八隊隊皆

八人禮部具圖以上命樂工肄習之八年三月 上以舊韻起於江左多失正音乃 命韶鳳與諸廷臣以中原雅音正之書成名曰洪武正韻九月命考陵寢朔望節序祭祀禮韶鳳奏漢祖諸廟寢園各有便殿日祭於寢月祭於廟時祭於便殿後漢都洛陽以關西諸陵久遠但四時用特牲致祀每西幸卽親詣洛陽諸陵每正月祭郊廟畢以次上陵唐園陵之制皇祖以上至太祖陵皆朔望上食元日冬至寒食伏臘社各一祭皇考陵朔望及節祭日進食又薦新於諸陵高祖永徽二年有司言獻陵三年之後每朔望上食其冬夏二至伏臘清明社等節俱上食顯慶五年太常博士彭璟直上疏曰近代始以朔望諸節日

祭於陵惟漢時議京師自高祖下至宣帝等陵旁立廟鬪各有
寢有便殿日祭於寢月祭於便殿唐玄宗開元二十三年四月
勅獻昭乾定喬共六陵朔望上食冬至寒食日各設一祭如節
祭與朔望相值則依節祭禮每歲春秋仲月遣太常宗正卿朝
拜祖宗諸陵欽惟我朝祭祀 皇陵舊儀每歲元旦清明七月
望十月朔冬夏二至日祭用大牢其伏臘社每月望朔日則用
特羊祠祭署官行禮如節與朔望伏臘社同日則用節禮 上
俱從之十一月 詔定登壇脫舄禮韶鳳奏古者侍坐於長者
履不上於堂解履不敢當階就履而舉之屏於側註云屨賤者
則不敢陳於尊者之側長者在堂則脫於階下長者在室則着

履上堂而不着入室漢魏以後朝祭則跣襪惟蕭何劔履上殿
宋時南郊皇帝至南堦脫舄下壇入廟脫舄升殿梁大廟中凡
有履行者應皆跣襪唐禮志正旦冬至羣臣朝賀上公一人詣
西堦脫舄解劔升御座前跪賀降至西堦佩劔納舄燕會羣臣
應升殿者禮同宋開寶通禮太廟裸獻饋食并禘祫皇帝至東
堦下解劔脫舄仁宗時正旦朝賀中書令門下侍郎解劔脫舄
以次升殿又按神宗時宋敏求詳朝儀太尉中書令門下侍郎
解劔脫舄以次升賀訖降堦佩劔納舄今議於郊祀廟享前期
一日有司以蓆藉地設御幕於壇東南門外及設執事官脫履
之次於壇門外西側祭日大駕臨壇入幕次脫舄升壇其升壇

執事導駕贊禮讀祝分獻陪祭官皆脫舄於外以次入壇供事
協律郎樂舞生依前跣襪就位祭畢降壇納舄 上俱從之尋
以病免九年起國子司業十二年陞祭酒 上賜諭曰文廟之
設是尊先師也因之爲國學焉歷代以之訓君嗣教公子也觀
斯所以不爲不重故哲生必選名儒以導學者今朕法前代命
爾承是師範闡揚博通使幼者記壯者解毋怠寸陰不但稱汝
職任甚有補於朕政汝往欽哉八月詔定 皇太子與諸王往
復書劄禮韶鳳考據精詳屢蒙 褒答十三年雷震奉天殿
上以羣臣多不職罷之韶鳳先以病致仕以壽考終墓在縣西沿
村河韶鳳爲人易簡諒弟暉以人才知開封府禮太常卿毅

諸暨同知均爲世所重云

詞林記云予讀魏杞山詩有云詹吳宋樂皆時彥撰述承恩書
夜同已知樂學士爲名人矣及觀國史乃得其詳乃知稽古禮
文厥功亦不爲無助也

李敬字

初名鴻漸直隸揚州府江都縣人洪武初年以文

學徵改名敬六年授刑部尚書本年致仕十四年三月丙申起
敬爲祭酒并起致仕禮部侍郎劉崧爲司業 勅曰朕聞古者
賢良之臣人君不忍其去以其有益於國也朕所用非人致災
異疊見賢才避位卿亦其忍去哉今特遣行人召爾敬爲國子
祭酒崧爲國子司業其來母稽癸丑賜敬與崧鞍馬夏四月丙

辰朔 命國子生兼讀劉向說苑及律令 上諭敬曰士之爲學貴於知古今窮道理聖經賢傳學者所必習若說苑一書劉向之所論次多載前言往行善善惡惡照然於方冊之間嘗以暇時觀之深有勸戒至於律令載國家法制參酌古今之宜觀之者亦可以遠刑辟卿以朕意導諸生讀經史之暇兼讀說苑律令必有所益矣八月丁巳 命敬釋奠於先師孔子冬十月有罪免餘詳國初刑部

吳頤字伯昂河南歸德州人容貌魁偉洪武十五年四月祭酒李敬得罪頤以儒士舉至京特命爲祭酒 上諭之曰國子學者天下賢才所萃而四方之所取正必師道嚴而後模範正師

道不立則教化不行天下四方何所取則卿宜崇德重義正身
率下俾諸生有所模範若徒以文辭爲務記誦爲能則非所以
爲教矣夫鐘鼓揚則聞於遠德義著則人樂從爾其慎之勉副
朕意五月國子監落成自經始以來 車駕臨視者數次規模
閎壯前代所未有也已未遣官祭先師孔子以大牢禮畢顒等
升堂諸生受業乙丑 上幸國子監謁先師孔子釋菜禮成退
御講筵顒等以次講畢 上謂之曰中正之道無踰於儒上古聖
人不以儒名而德行實儒後世之名士雖有其名或無其實孔
子生於周末身儒道行儒行立儒教率天下後世之人皆欲其
中正惜乎魯國君臣無能用之者當時獨一公父文伯之母知

其賢責其子之不能從則一國君臣可媿矣卿等爲師表正當以孔子之道爲教使諸生咸趨平正則朝廷得人矣復命取尚書大禹臯陶謨洪範親爲講說反覆開諭羣臣聞者莫不悚悅遂賜宴竟日而還丙寅頗率博士龔敷等上表答謝各賜羅衣二襲官民生許恒等四百三十人各賜青夏布衣十六年正月乙卯賜顥等及監生沈翥等七百六十六人元宵節鈔時武臣子弟有怠於學者顥以寬縱不繩檢至是免還鄉後以疾終於家

宋訥字仲敏直隸大名府滑縣人父崇祿元陝西行臺侍御史贈叅知政事追封魏郡公諡忠肅訥爲名家子雅性持重不妄

言笑讀書記問該博登元至正癸卯進士第筮仕鹽山縣尹遭
世亂隱居求志入國朝文名益昌於時洪武二年春正月中
書省徵儒士十八人纂修禮樂訥與焉事竣不仕而歸五年秋
過元故宮譴焉傷之作詩以寓黍離之感誦訥詩者知其明於
春秋華夷之辨也十三年四輔官杜敷薦訥才堪任用勅符
召至京師上與訥語大說之授國子助教橫經發難擊節廓
塞學者如客得歸十五年五月同諸儒應制撰諸勅文操筆
立戒雅稱上意超拜翰林院學士奉議大夫尋命撰國子
監碑文又復稱旨賞賚衣帽文綺及鈔已而召其子安賜鈔
十錠七月上觀尚書至敬授人時謂訥曰敬天之事後世中

主猶能知之敬民之事則鮮有知者蓋彼自謂崇高民皆事我者分所當然故威嚴日重而恩禮寢薄由視民素輕故也視民輕則與已不相干而畔渙離散不難矣惟能知民與已相資則必無慢視之弊故曰可愛非君可畏非民衆非元后何戴后非衆罔與守邦古之帝王視民何嘗敢輕故致天下長久者以此而已尋有上治平策者上覽之顧謂侍臣曰此人論治而不及用賢天下之大乃欲朕一人理之乎蓋獨智自用則所見者狹資賢而用則所及者廣訥對曰誠如聖諭但賢才之在天下人主豈能周知必賴羣臣薦舉然得賢與否繫夫舉之者何如爾上曰然小人所舉未必爲君子君子所舉未必爲小人

故觀其舉者卽可知其人之賢否矣十一月改文淵閣大學士
時年逾七十 上親製誥詞曰朕觀古今賢能者遇君有遲速
名彰有先後蓋時運不齊而壯衰相臨故也然昔呂望於磻溪
猶有非熊之兆而興周八百爾訥年雖高邁宜往欽哉訥感知
遇每有所補拾日見親信嘗寒附火火燎脇下衣至膚始覺

上聞之製文警訥曰脇者協也豈爾居內相不能協助人主爲政
致神怒若此邪訥頓首慙謝時大學初成中外歲貢生徒日適
僕僕者掌之師生相奸教尼不行十六年訥轉朝列大夫國子
監祭酒 上復勅諭曰大學賢士所關禮義所由出人材所由
興自建學以來歷選師儒以居是職至今未臻其效豈士習之

難變抑師道之不立與此朕所以夙夜寃心愼擇老成以任之
惟卿夙學者德可以任此卿宜體朕意使士習丕變邦其有賴
焉請於 上嚴立學規諸生皆知敬畏 上由是特厚眷之慮
功臣子弟有不服朴罰者 命曹國公李文忠兼領監事由是
貴胄肅然受教一日訥有疾 上遣中使致諭有曰卿秉天命
之性發仲尼之誠施已幽德修道教人所以病不泰病而速差
以其有神也恒謂訥骨格必壽適有畫工至 上命繪其像肖
焉喜溢 天表然終老之以其子麟主望江簿特 勅召之還
俾便侍養其被遇優渥類此十八年二月久雨求直言訥獻安
邊策曰今海內旣安蠻夷奉貢惟沙漠胡虜未遵聲教若置之

不治則恐歲久醜類爲患邊圉若欲窮追遠擊又恐六師往還
萬里餽運艱難士馬疲勞 陛下欲爲 聖子孫孫萬世之計
要不過謹備邊之策耳備邊固在乎兵食足食又在乎屯田屯
田之制必當法漢本始年中匈奴帥十餘萬騎而南欲爲寇漢
將趙充國乃將四萬騎分屯緣邊九郡單于聞之引去夫以四
萬騎分屯九郡而充國統制其間則當時之籌畫區分槩可想
見我 朝諸將中勇知謀略豈無如充國者哉 陛下宜選其
智謀勇略者數人每將以東西五百里爲制隨其遠近高下立
法分屯所領衛兵以充國兵數斟酌損益率五百里屯一將布
列沿邊之地遠近相望首尾相應耕作以時訓練有法遇敵則

戰寇去則耕此長久安邊之策也又何必勞師萬里求僥倖之
功以取無用之地哉 上嘉納之遂令邊軍皆屯田且耕且守
著爲令乙丑戊辰兩科 上策進士魁選恒在大學得士大率
三天下之二及任亨泰廷對第一召訥褒賞撰進士題名記立
碑於監門學錄全文徵畏其教範嚴厲嗾吏部尚書余燠移文
以年老致仕比訥 陛辭 上訊知其故以燠蔽賢擅權并文
徵等皆誅之 賜諭慰訥居位如故二十二年五月建歷代帝
王廟及廣惠祠落成例使翰林詞臣記其事 上以訥文體莊
重乃 特命訥撰之訥居常寢食恒在廂房未始一日宿於家
二十三年春正月訥有疾 上遣尚書來治二月乙未朔疾革

子麟等托諸監官懇辭歸家訥厲聲曰是何風雲氣少兒女情多況在丁社兩祭齋戒中邪丁酉祭畢方就昇歸一不日及家事薄暮甫抵家卒年八十 上自製文遣官致祭追臨發極時上再遣祭舟車之費一出於官故事文臣四品無給費者蓋異數也長子麟擢進士第拜監察御史出主望江簿次復祖鄉邑訓導其後歲辛未大學生有連舉大魁者 上思訥曰此宋祭酒訓迪之功也凡諸生守官稱職者多出訥門 上每舉訥爲教國子者楷法復祖服闋 上召爲國子司業進而諭之曰若尚思繼武若翁也其始終眷注自開 國以來文臣罕有其比人以訥素履純恪所致云訥家西南二里卽瓠子堤忠肅公營構

亭名曰西隱訥更築白雲茅屋其間故所著詩文二十卷號西隱集今行於世

龔敦字文達江西廣信府鉛山縣人學問該博性行敦實洪武初以明經任府學教授十三年監察御史葉孟芳高其學行薦至京師會雷震謹身殿欲調和陰陽以敦爲四輔官兼太子賓客位列公侯都督之次諭令德合天人以臻至治敦爲春官吳源爲夏官其年冬令應時明年春夏頗愆遂與源皆遣歸尋並見召源先卒敦爲博士十五年陞左司業奏定節假事例行之二十三年三月乙丑命掌監事與禮部尚書李原名修撰掌翰林院事黃子澄申定官民服飾參酌時宜務存古意原名

等定議 上從之頒示中外尋命爲祭酒二十四年有監生告假還家不以奏聞 上怒其賣放置於法

胡季安字

江西南昌府南昌縣人元至正丙申鄉舉洪武

初由明經儒士授景州學正二十四年春二月召見 命講孟

子稱旨擢試祭酒三月辛卯以監生許觀鄉試會試殿試皆第

一 特召褒獎之六月丙辰監生金弘復啓言侍親 皇太子

命祭酒考試以聞於是季安及博士石光霽試以詩義言其頗

通仍命都察院查照十二月 上以科舉歲貢當定程式命季

安與學士劉三吾議定以聞 上命禮部頒天下學校二十五

年春正月癸未朔 上御奉天殿朝賀大宴羣臣命季安真拜

祭酒侍坐殿上二月甲子 詔季安與翰林院官考定六藝以
禮有職掌樂當別議惟定射及書數以聞冬十一月日南至
賜季安等勳祿二十六年秋七月乙卯言官劾季安受外夷子入
學東脩季安請罪 上察而宥之冬十月壬辰 詔季安選監
生三十以上能文章者二百四十一人命吏部除授教諭等官
二十七年正月乙卯監生趙孝先陳情言父戍京師年老病篤
願以身代懇於季安轉奏不許乃言於禮部以聞 上從其請
孝先詣監告辭季安有愧色三月庚子朔 詔季安撰進士題
名記立碑二十九年二月坐胡惟庸逆黨得罪免

吳啓字

人任國子監學正二十九年二月胡季

安免命啓署祭酒楊淞署司業事諭之曰大學國家育材之地
天下人才所聚爲之師者不專務記問博洽在乎檢身飭行守
道尊嚴使之敬慕日化於善則賢才衆矣蓋師嚴則道尊道尊
則德立昔胡翼之爲大學師嚴條約以身先之此最可法四月
啓言國子生例以學優劣分隸六堂邇來皆無甄別高下不分
無以激勸宜考第如例 上令魏國公及禮部翰林院同考試
仍令吏部以次錄用毋使淹滯秋七月免

楊淞字

江西南康府建昌縣人少遊郡學通五經郡守以

經明行修舉擢翰林院侍書遷博士二十九年三月命署司業
事七月淞爲祭酒頗有時名亦能其官然年老性急至三十三

年以罪免

張顯宗字明遠福建汀州府寧化縣人洪武辛未進士第三授翰林院編修有孝行從政通敏陞太常寺丞三十年秋七月命署祭酒事已巳與禮部增定監規顯宗與司業韓克忠師生一千八百二十六人見上戒諭諸生曰昔宋訥爲祭酒嚴肅善教以故朝廷得人近年老儒爲祭酒學規日壞生徒全不務學用之僨事今署事者增定規條敢有抗違奏聞重治若有似前貼匿名帖誹謗師長者梟首監前徙家煙瘴著爲令是時顯宗首疏便益數事申明學規綱紀一新十一月顯宗以違限監生李從新等二百一十七人比例擬奏以聞復定四川兩廣福

建過一年之上北平山西陝西湖廣半年之上浙江山東河南
江西五閏月之上直隸三閏月之上皆發充吏禮部奏聞發遣
其限外不及一月有患病文憑者送監免問已而禮部據監生
傅崑送幼子還鄉魏文禮畢姻皆劄付本監照例定限行之是
年本監以坐堂人少誠恐諸司再取辦事不敷移文禮部及聞
於上今歲貢照二十五年例於是入監遂衆三十一年春正
月顯宗以違限監生龍友諒等二百二十人依例分谿以聞

上曰是皆無志者雖使讀書亦不成矣命吏部銓除遠方典史
以困役之秋七月顯宗真拜祭酒奏請開通成賢街正路分布
號房從之三十四年奏言監生違限有二年之上者例得典史

故逃曠自恣乞懲之 上命仍充吏役三十五年正月陞工部
右侍郎往江西招集丁壯募民出粟夏六月復爲祭酒 文皇
帝卽位顯宗與司業張智皆歸附庚寅謫戍興州以建文中嘗
募兵江西爲軍卒執告故也永樂五年起爲交趾左布政使勞
來撫綏克盡其職永樂七年卒於官顯宗操心誠篤處事公平
在交趾時民懷其德建祠祀之性尤聰明讀書過目成誦奉
命選述有諸司職掌逆臣錄忠義錄等編及立大學規制

徐旭字孟昭江西饒州府樂平縣人自幼穎悟稍長從其鄉先
生蔡仲淵授春秋爲文辭已超詣拔出見者皆奇之年二十一
登洪武乙丑科進士第行浙江道監察御史入爲禮科庶吉士

日記事侍 上左右 上方屬意天下進士每朝羣臣退獨進士留被顧問 上未退不得退也一日 上呼旭至前將有所任使而奏對弗克稱 旨 上以其迂也命分教於涿州之房山復教諭鳳陽皆以憂去服闋擢 安王府紀善用薦者陞爲知州入史館上嘗論天下事多不能合益落落自殊無所顧惜遂自史館出爲吏部考功員外郎及 成祖卽位遷郎中預修高皇帝實錄永樂元年拜朝列大夫國子監祭酒旭在 高皇帝時素以篤學見稱數言事切中當時 高皇帝嘉納之然欲老其才故抑之久而未有以用之初在考功拒請託抑僥倖是是非非毫髮無所遁其情而尤以天下之治與教在守令與教官

守令教官弗稱其任者尤精覈之無少貸衆望風誼騰持之益
堅及在大學亦如在考功時然旭純謹君子也雖盛威嚴而中
情簡質好惡出乎其至誠至於卓卓自守激之而不動挫之而
不撓人未有過之者也居大學僅一年諸生凜凜僅自修飾而
其僚屬之不便者已譁然議之矣永樂二年坐書奏當降調雲
南叅議 上問吏部尚書竇義曰旭爲人何如對曰有文學持
守而於人寡合 上曰持守之人固當寡合蓋其中有所主不
能脂韋依阿况兼有文學乎宜寘之近侍特 命除翰林脩撰
俾預脩永樂大典爲副總裁方向用之而旭卒矣時年五十二
聞之悼惜勅賜棺以歛遣禮部主事端禮諭祭焉旭終身茹荼

不事表襮而其疾惡剛勁人有所不堪者世以此高之而亦以此與之齟齬者衆也其爲學明於義利之辨爲文約而明喜薦士所薦最多且賢屢考試科舉其得士最盛而尤孝於其親自鳳陽考試河南時入朝告歸省其母疾方亟聞倍道疾趨至家母疾忽爲之愈數日竟卒人以爲孝感所致云

胡儼字若思江西南昌府南昌縣人永樂二年任尋改北監詳北監

國朝列卿紀卷之一百五十八終